



Inatsisartunut ilaasortaq  
Jens Kristian Therkelsen, Siumut  
/Uani

## **Ikerasammi imeqarfik pillugu § 37 naapertorlugu apeqquteqaammut nr. 194-2022-mut akissut**

Asasara Jens Kristian Therkelsen

Inatsisartut suleriaasianni § 37, imm. 1 naapertorlugu Ikerasammi imeqarfik pillugu Naalakkersuisunut apeqquteqaateqarputit. Apeqquteqaatitit uannit akisassanngorlugit innersuunneqarput.

### **1. Nalunngisakka malillugit Ikerasammi imeqarfik tatsimeersuuvoq. Tassuunakkut periarfissaq imeq tunniussinnaasaq eqqarsaatigalugu qanoq isikkoqarpa?**

#### Akissut

Ikerasammi imermit misissuinerit takutippaat, erngup imigassap pitsaassusaa ajoquteqartoq, tamanna qalatitsinissamut kajumissaarummik kinguneqartitsivoq, suli atuuttumik.

Ikerasammi 2021-mi nutaamik imermik sukuluiaavimmik ikkussisoqarpoq. Ikerasammi ikkunneqartoq, nunaqarfinni allani erngup imigassap pitsaassusaa pitsanngoriartippaa, aamma Ikerasammi erngup imigassap pitsaassusaannut pitsannguuteqarnissaa naatsorsuutigineqarpoq. Taamaattoq Ikerasammit misissueqqissaarnermi inernerit piffissami maannakkut, matumani uppernarsarneqanngillat.

### **2. Siunissami illunut imiup attaveqaasersornissaa, aammalu nunaqarfiup kloakkilersorneqarnissaa pissagaluarpat imeqarfiup tamanna naammassinnaava?**

#### Akissut:

Nukissiorfiit nalunaarutigaat, Ikerasammi taseq, 2016-imi erngup annertussusianik misissuisoqarsimasoq. Misissuinerit inerniliussap takutippaa, erngup aqqutaanik ikkussisoqassappat, imissaqarfiussinnaasumik naammattumik piffissami maannakkut nunaqarfinni imermik atuinermut matussusiisinnasooq. Suli misissuinerit ingerlanneqarput, qanoq tatsimit ataatsimut kunnneri naammattuunersut kiisalu imeqarfiup piginnaasaa naammannersoq.

Allakkap ullua: 19-10-2022  
Suliap normua: 2022 - 16979  
Allagaatip ilisarnaataa:  
21434817

Postboks 1614  
3900 Nuuk  
Oqarasuaat: (+299) 34 50 00  
Fax: (+299) 34 54 10  
E-mail: pan@nanoq.gl  
www.naalakkersuisut.gl

**3. Taamatut aqqusersuinissaq pissappat akissaq aningaasaqarnerlu aporfiusimassappata, atortussat tamarmik Ikerasammeereermata aningaasatigut qanoq naleqarnersoq Nukissiorfiit naatsorsornikuuaat?**

Akissut:

Nukissiorfiit nalunaarutigaa, illunut ruujorilersuinissamut kiisalu anartarfiit kuuffiillu aqqutaanik pilersitsinissamut piffissami maannakkut aningaasaqarnikkut aningaasartuutissanut missingersuusiornissamut naammaginartumik akissuteqarnissamut periarfissaqanngitsoq.

Nukissiorfiit paasissutissiissutigaa, aningaasartuutissat ilai atuisunit pisussaaffigineqassammata. Sullitat nammineerlutik erngup aqqutaatitik aningaasartuutigissagaat, tamanna Nukissiorfiit tuniniaanermi pilersuinermilu piumasaqaataanni allassimavoq.

Inussiarnersumik inuulluaqqusillunga

  
Kalistat Lund